



# Infuormaziuns

## mai 2023

Stimats genituors

L'ultim quartal da l'on da scoula ha cumanzà. Nus sperain ch'Els hajan pudü giodair il temp da prümavaira, per blers eir il temp chi s'ha l'occasiun dad ir in vacanzas, il temp tanter las stagiuns chi'd es ün pa plü vöd i'ls cumüns engiadinalis.

### **Chalender d'occurrenzas fin la fin da l'on da scoula**

Il chalender d'occurrenzas vain adattà regularmaing sülla pagina d'internet da las scoulas dal cumün. Infuormaziuns a cuorta vista vegnan dattas inavant directamaing da las muossadras, magistras e magisters da classa o in fuorma cuorta cun ün e-mail davart dal secretariat o da mia persuna.

### **Nouvas persunas d'instrucziun**

Illa proarma gazetta da scoula vegnan Els orientats davart las mutaziuns cha nus vain gnü dürant l'on da scoula currant, tanter oter vegnan preschiantadas eir tuot las persunas chi bandunan pella fin da lügl nossa scoula. Insembel culs uraris chi saran pronts sco üsità circa vers la mità da gün, survegنان Els las infuormaziuns detagliadas chi pertoccan a Lur agen uffant, per exaimpel chi chi sun las persunas d'instrucziun, in che classas cha'ls uffants sun partits aint, cur chi han instrucziun e tuot il rest.

Cun quai cha tuot ils detagls nu sun amo reglats, füssa pel mumaint amo massa bod per infuormar davart las persunas d'instrucziun da mincha singula classa. I'm fa però listess plaschair da pudair dar uossa listess fingià üna prüma survista da las nouvas persunas d'instrucziun gnüdas tschernüdas dal cussagl da scoula dürant l'ultim on da scoula.

- Martina Näff (persuna d'instrucziun pella scoulina)
- Natalia à Porta (persuna d'instrucziun pella scoula primara)
- Ursina Guler (persuna d'instrucziun pel rom gimnastica in primara e s-chalin ot)
- Severin Planta (persuna d'instrucziun dal rom zambriar sül s-chalin ot)

Ad els quatter giavüschaina ün bun cumanzamaint illa scoula da Scuol e nus ans allegrain da pudair collavurar in avegnir cun els.



## Uraris prossem on da scoula

Ils sbözs dals uraris sun plü o main pronts. Ultimas pendenzas vegnan amo regladas dûrant l'ultim quartal e cur cha quellas sun scholtas, vegnan dattas inavant quellas orientaziuns.

Ün müdamaint decis dal cussagl da scoula, es il **müdamaint dals uraris da scoulina**. L'idea chi s'ha gnü in fond quist müdamaint es, d'adattar ils uraris da scoulina meglider als uraris da scoula e da pussibiltar a genituors da coordinar plü bain l'avantmezdi e cumbinar lavur e famiglia. Il temp da sortida da scoulina es gnü schlarginà fin a las 11.50 e l'entrada la bunura es gnüda adattada minimalmaing. Causa chi's tratta d'ün temp da sortida, esa eir inavant pussibel da laschar gnir a chasa a l'uffant fingià a las 11.20. Implü sun eir gnüts adattats ils uraris dal davomezdi a quels dal s-chalin bass da la scoula primara. Cun quists adattamaints resta però il temp da las muossadras e dals uffants inavant aint il rom da la ledscha da scoula.

L'urari da rom guarda oura uossa seguaintamaing ed es per tuottas traïs scoulinas listess.


	<b>lündeschdi</b>	<b>mardi</b>	<b>marcurdi</b>	<b>gövgia</b>	<b>venderdi</b>
08.05 – 08.30	temp d'entrada				
08.30 – 11.20	scoulina tuots				
11.20 – 11.50	temp da sortida				

13.30 – 13.45	temp d'entrada
13.45 – 15.15	scoulina be gronds

temp d'entrada
scoulina be pitschens

Ed uossa resta amo dad ingrazchar a tuots pela collavuraziun e la fiduzcha e giavüschar a tuots ün bel temp da prümavaira e da stà.

Amiaivels salüds



Mario Rauch, manader da scoula

Bemerkung: Die allgemeine Korrespondenz der Gemeindeschule Scuol wird nur in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a lingua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado en „Gazetta da scoula“.